

Չեւ եւս հասեալ զինակրին 'ի Դամասկոս, անկաւ յիշխանութենէ Եպարքոսն Իամայիլ Փաշա, և ամբարձաւ 'ի տեղի նորա զինակիր Արքայի Մէհէմէտ Փաշա՝ ըստ սաղ-րեւոյ ներքինապետին, և արձակեաց 'ի բանտէ զկալանաւորսն Հայոց. զի փոխանորդ Եպարքոսին նախ յագեցաւ 'ի Յունաց՝ արար այնպէս, և ապա 'ի Հայոց՝ եթող ըզնոսա :

Իսկ նոր Եպարքոսն առաքեաց հրովարտակաւ զայլ ոք 'ի պաշտօնէից իւրոց զինի առաջնոյն, և նորա հասեալ 'ի Դամասկոս, դարձոյց զնա յետս, և ինքն գնաց յԵրուսաղէմ. ընդ զինակրին եկեալ էին և երկու անձինք յագգէն Հայոց տանել զհրովարտակն, որ եւ բերեալ էին գիր 'ի Յովհաննու Պատրիարքէ. ընթերցեալ Գրիգորի ըմբռնեցաւ 'ի սուգ մեծ վասն բանտարկելոց, մանաւանդ վասն Սեղբոս Ամիրայի, մտերիմ բարեկամին իւրոյ և բարերարին Աթոռոյ. զի կոչեր զնա մեծ մահտեսի և մեծ Ազա. եւ ծանեաւ նաեւ զնենդութիւնս և զխոսովութիւնս Յունաց, զոր արարեալ էին 'ի Թագաւորեալ քաղաքին. եւ գլխաւորք ազգին յորդորէին զնա արխանալ 'ի դործ եւ չխնայել 'ի ծախս գրամոց, և նորա տարակուսեալ դիմեաց 'ի վանս Լատինաց, և 'ի յայտ առնել նոցա զխնդիր երկոց հետեւեակ ազգաց, խոստացան նոքա օգնել նմա յամենայնի. զի բովանդակ այլազգիք քաղաքին վկայէին այնմ, եթէ դատն դարձցի յԵրուսաղէմ. Յեա այնորիկ ետ որոնել 'ի տումարս Սուլթան Սէլիմայ, և գտին անդ արձանագրութիւն ինչ արքայական Թուղրայիւ այսպէս. Անդրիաս Պատրիարք եւ Յ կարգաւորք գրեալ յականէ յանուանէ, բնակեալ 'ի սեփհականութեան Հայոց 'ի վանս Ս. Յակոբայ. եւ թէ՛ ելին ընդ առաջ իմ. ետ վաւերել հին դատաւորին, և սպասէր զալստեան նորոյն, և երեքին ազգքն ետուն գիր վկայութեան 'ի դատարանի. էտո նաեւ հանրագիր յայլազգեաց, օգնեցին առ այս եւ Լատինք. էտո նաեւ գիր 'ի կուռտակալէն Դամասկոսի, 'ի խնդրոյ քաղաքապետին Երուսաղէմի, եւ զայլ կարեւոր գրեանս, զորս արարին 2 ծրար. զմին առաքեցին ցամաքաւ, և զմիւսն յանձն արարին արանցն այնոցիկ, որք եկեալ էին ընդ զինակրին. ընկերացաւ սոցա և Յակոբ վար-